



UNIVERSITÄTS-
BIBLIOTHEK
PADERBORN

**Sacer Recessus Sive Exercitia Spiritualia Ad Mentem &
Methodum S. P. Ignatii**

Nepveu, François

Ingolstadii, 1701

VD18 12305014

Consideratio IX. De Statu & Conditione cujusque hominis.

[urn:nbn:de:hbz:466:1-59599](https://nbn-resolving.de/urn:nbn:de:hbz:466:1-59599)

mem. Hanc à te gratiam peto,
velut certam tui in me amoris tes-
seram, & maximum, quod à te
consequi possum, beneficium.

*Pro omnibus mortuus est Chri-
stus, ut & qui vivunt, iam non
sibi vivant, sed ei, qui pro ipsis
mortuus est, & resurrexit. 2. Cor.
5.*

*Patet arcanum cordis per for-
mina corporis. S. Bernard.*

*Non possum vivere sine vulne-
re, cum te video vulneratum. S.
Bernard.*

*Amor meus crucifixus est. S. I-
gnat.*

CONSIDERATIO IX.

*De statu, & conditione ch-
jusque hominis.*

I. **A**Mplexus ne es hunc statum
& conditionem, quam te-
nes, vocante te illuc D^O! Confu-
lu-

luistine illum , antequam te huic
vitæ generi addiceres? An fortui-
tò , & ex beneplacito tuo , aut na-
turæ impetu eò convolâsti potius ,
quam ita gratiâ aut ratione suaden-
te ? si ita , utere regulis electionis ,
quibus reformes hanc electionem ,
si quidem status tuus adhuc muta-
ri possit : quod si jam firmus fixüs-
que sit , adhibe illas tamen , ut sal-
tem per moderamen melioris vitæ
repares , & emendes commissum
tuæ electionis errorem .

II. Si causam habeas credendi ,
te à Dño ad hunc statum fuisse vo-
catum , excute nonnihil animum
tuum , & examina , an mens tua
tum fuerit ab omni alio motivo
pura & libera ; an verò vocationi
Divinæ scopum aliud aut respe-
ctum humanum immiscueris ? an
non ambitio , proprium commo-
dum , desiderium suavis amœnæ-
que vitæ , magnam sibi partem vin-
dident ? Si id deprehendas , pete à
Dño veniam , & emunda , id quod

III. Quo studio exerces munus tuum? qua diligentia fungeris tuō officiō? Intuerisne te velut vices gerentem DEI? Ipsius gloria ēstne principalis tuus finis, & prima regula? Si matrimonio junctus es, atque ita obligatus, ut rebus tuis invigiles, familiæ prospicias, & filiorum utilitatem promoveas; fac sine hoc potius ex avaritia aut ambitione, an ex ordine Divinæ providentiarum, quæ, quia te ad hunc statum deduxit, petit, ut omni cura & solicitudine exequaris omnia, quæ ille exigit?

IV. Inter multiplices statūs tui curas, quibus distineris, advertisse, negotiorum omnium maximum esse, procurare æternam salutem? Dirigisne ad hunc finem reliqua omnia, quæ agis? aut saltem alia negotia, justo ordine, huic substernis? an potius, hoc neglecto, aliis omnem operam impendis? Intelligisne, hoc unicum nego-

negotium esse absolutè necessarium, nec te debere aliis, quantumvis tuo vel publico bono utilissimis, unquam ita occupari, quin tempus supersit, quod huic tribus, cùm sit præcipuum, imò unicum negotium, quia negotium æternæ salutis?

V. An non nimiâ curâ & anxietate te applicas negotiis tuo statui propriis? Conare sequi consilium S. Ignatii, & res tuas tantâ diligentiâ & contentione age, ac si omnia à te solo dependerent; quibus tam en confectis, diffide ita tuæ industriæ, ac si omnia tantum à Deo dependerent, cujus Providentia te totum, rerumque omnium successum committe. Oportet autem prudenter discernere, quidnam in negotiis dependeat à te, & quid non; ut in uno possis fortiter agere, in altero autem te submittere Providentia Divinæ.

VI. An non incidis in defectus contrarios, & nimis negligenter

mensuram muneris tui imples ? Horror laboris & amor commodatum an non faciunt , ut illud cum fastidio & tædio exequaris, aut omnino evites ob vanos & frigidos prætextus ? Nunquam perfectè res tuas ages , nisi cum voluptate agas : nunquam autem cum voluptate debitum tuum præstabis , nisi muneris tui sustinendi sis capax. Quapropter omni cura enitendum erit , ut ad id te idoneum reddas. Quòd si hoc assequi non possis, tñneris illud omnino dimittere.

VII. Nullumne te tædium subit, quod te officiū tui pertæsum reddit ? Non cupis illud mutare aut ex inconstantia , aut ex fastidio , aut ex ambitione , aut ex falso zelo ? An non similis es inquieto illi decumbentium ægrorum generi , qui semper situm illum credunt esse incommodissimum , quo jacent , & idcirco identidem mutare , & moveri in alium volunt , nec tamen melius habent ? Id tibi penitus

tus persuade, perfectionem nostram non confistere semper in eo, ut bonum operemur, quod nobis maximum & eminentissimum videtur: sed quod nostræ conditioni & nostro officio melius convenit. Decipimur, si volumus esse sancti non eo, qui Deo, sed qui nobis placet, modo. Non, quem nos perfectissimum judicamus, est etiam melior pro nobis, sed ille status, in quo nos Deus constituit, & in quo nos vult esse.

VIII. Si, quas observes, certas habes officii tui regulas, gerisne cutam, ut illas perspectas habeas? In dubiis restringe illas observas? Consultisne Deum, & lumen ab ipso petis? Sequerisne dictamen tuæ conscientiæ, & praxim illorum, qui boni probique habentur? An non promptiori studiô ad illa opera incumbis, quæ supererogatoria appellamus, quia illustriora sunt, & plus honoris & existimationis conciliant, quam ad illa, ad quæ ob-

ligaris, quia magis sunt humilia,
obscura, & communia?

IX. Qui geris te in execuzione
tui officii erga tuos Superiores, à
quibus dependes? solēsne in ipsis,
debita cum submissione & fidelita-
te, respicere Christum, cuius lo-
cum tenent? Qua honestate, mo-
deratione, & animi æquitate exhi-
bes te tuis æqualibus? Qua man-
suetudine, qua charitate, quo ze-
lo, quaque benignitate uteris erga
tuos inferiores? Cogitásne, illos
tuos esse fratres, quia Christianos,
& consequenter tuos in hoc æqua-
les, & forte coram Deo etiam ma-
jores & meliores, quia humiliores
& pluribus virtutibus exornatos.

LECTIO Pro Nono Die.

Ex S. Script. Cap. LIII. Isa. aliquot Capita
ex Evang. de Passione D. N. J. C.

De Imit. Christi Cap. XI. & XII. Lib. II.

Ex Memoriali Lud. Granat. aliquot Artic-
culos Lib. VI. de Passione Christi.

Ex P. Rodriq. Cap. III. & VIII. Tract. VII.
Part. II.

Dominus